

Na osnovu Odluke za pokretanje postupka izbora najpovoljnijeg ponuđača za radove na sanaciji sistema grijanja/hlađenja na objektu Ambasade i Misije BiH pri EU u Briselu , broj 205-43-16-5-133-5/16 od 17.11.2016. godine Misija BiH pri EU u Briselu poziva zainteresovane ponuđače da dostave ponude za izvođenje radova prema priloženoj specifikaciji:

Specifikacija radova

Specifikacija potrebnih radova na sanaciji sistema grijanja/hlađenja u objektu koji se nalazi na adresi: Rue de l'Industrie 22, 1040 Bruxelles, Belgique, koji se trebaju izvršiti da se sistem grijanja/klimatizacije dovede u radno stanje, po sljedećim stavkama:

1. Peć za grijanje
Nabavka i postavljanje peći sa kondezacionim kotlom Peć BUDERUS Logana GB312 ili ekvivalentna Provjera svih pumpi Zamjena dihtunga na pumpama (3komada) Zamjena neispravne pumpi za vodu (1 komad) Zamjena neadekvatnih kablova za napajanje od pumpi (2 komada) Zamjena nepropisno premoštenih kablova i dovođenje struje u normu (zamjena napona na pumpama sa 380V na 230V) Bušenje i dovođenje spoljnog vazduha direktno u kotao sa standardima da bi kotao mogao da funkcioniše
2. Kompresor za klimatizaciju
Popravka kompresora CIAT RZ 500-2 Lociranje mjesta curenja rashladnog plina i njihovo brtvljenje Zamjena kompletnog rashlanog plina Generalna kontrola rashladnog sistema Zamjena kaiševa (2 komada) Zamjena lagera (6 komada) Zamjena filtera za ulaz spoljnog vazduha Oporavak i uništavanje R 22 gasa na 2 rashadnom krugu. Punjenje gasom R 422 i podešavanje hlađenja Zamena rezervoara za ubacivanje vlage u klima sistem da ne bi vazduh bio suv + filter za prečišćavanje vode testiranje, kontrola i puštanje u rad inspekcija električnih vodova od brojila do kontrolne table JONSON
3. Elektronska regulacija grijanja i klimatizacije
Inspekcija kontrolne table JONSON Promjena elektronskih dijelova 3 komada ne rade Rekalibracija JONSON kontrole (neophodna zbog pogrešne manipulacije u prošlosti) Podešavanje i regulacija automatske kontrole grijanja i klimatizacije

4. Sistem grijanja/hlađenja u radnim prostorijama

Inspekcija i čišćenje radijatora sa elektro-ventil termostatom (70 komada)
Ubacivanje tekućine za održavanje (i prevenciju blokade elektro ventila) u radijatore
Zamjena filtera na ventilo-radijatorima (70 komada)
Zamjena blokiranih elektro ventila (22 komada)
Čišćenje klimatizacionih kanala i izlaza protiv bakterija (8 spratova)
Produžavanje kanala za klimatizaciju u kancelarije bez otvora za ventilaciju

- Krajnji rok za prijem ponuda je 15.12.2016. godine u 12.00.sati.
- Kriterijum za dodjelu ugovora je „tehnički zadovoljavajuća ponuda sa najnižom cijenom“.
- Ponude trebaju biti dostavljene Misiji BiH pri EU u Briselu u zatvorenim kovertama (preporučenom pošiljkom ili uručene na licu mjesta) na adresu:

**MISSION DE BOSNIE-HERZEGOVINE
AUPRES DE L'UNION EUROPEENNE
22, Rue de l'Industrie
1040 Bruxelles
Belgique**

sa naznakom „**Ponuda za javni oglas - NE OTVARAJ**“

- Dodatne informacije se mogu dobiti na brojeve telefona Misije BiH pri EU :
+ 32 (0) 2 644 20 08 ili + 32 (0) 2 213 51 27
ili putem e-mail: info@bhmeu.eu
- U slučaju potrebe, pregled sistema grijanja/hlađenja je moguće obaviti na licu mjesta, uz prethodnu telefonsku najavu.
- Radovi otpočinju odmah po potpisivanju ugovora.
- Ponuđači sa sjedištem izvan EU dužni su da uz ponudu dostave i ovjerenu kopiju dozvole ili drugog dokumenta iz kojega je vidljivo da imaju pravo obavljati predmetne radove u EU.
- Izabrani izvođač radova preuzima obavezu u pogledu dozvola za rad u EU svih radnika koji će biti angažovani na radovima, a koji nisu državljani EU. Vrijeme potrebno za pribavljanje ovih dozvola ne može opravdati prekoračenje roka za izvršenje radova.
- Ukoliko se oprema i materijal potrebni za izvođenje ovih radova uvoze izvan EU izvođač preuzima troškove carina i drugih dadžbina.
- Kada se radi o izvođačima sa sjedištem u ili izvan EU, sve poreske i druge obaveze koje proizilaze iz obavljanja predmetnih radova, odnosno zarade padaju na teret izvođača, čak i u slučajevima dvostrukog oporezivanja.

- U skladu sa zakonima i propisima Kraljevine Belgije koji se odnose na Brisel, izvođač preuzima obavezu eventualne popravke ili zamjene dijelova u garantnom roku.
- Ovaj poziv za dostavu ponuda, kao i procedura izbora najpovoljnijeg ponuđača, odnosno svi pravni i administrativni akti u izboru najpovoljnijeg ponuđača sprovode se unutar pravnog sistema BiH u skladu sa Zakonom o javnim nabavkama i drugim primjenljivim propisima u BiH i ne mogu se preispitivati pred organima drugih država. U slučaju spora u ovom pogledu nadležan je odgovarajući sud u BiH.
- U skladu sa diplomatskim pravilima i međunarodnim pravom, obavljanje radova i ugradnja dijelova od strane izabranog ponuđača, kao i druge radnje u vezi sa ovim, uključujući zaključenje ugovora i isplatu novčane naknade podliježu pravnom sistemu Kraljevine Belgije, odnosno primjenljivim zakonima i propisima u Briselu, uključujući tehničke i druge standarde u Briselu. U slučaju spora u ovom pogledu nadležan je odgovarajući sud u Briselu.
- Izabrani ponuđač je obavezan prije potpisivanja Ugovora dostaviti kopiju važećeg certifikata izdatog od strane nadležnog organa, da može obavljati predmetne radove u Briselu.